

զայդ: Իսկ, յամին 1425 հաւանական է որ թողած լինի Սարգիս իւր վարժարանը. վասն զի ճիշդ այս թուականին՝ այսինքն է Գրիգորիսի կաթողիկոսութենէն 12 տարի վերջ՝ հայրապետական աթոռն Ծովք գղեական փոխպրուստի, նաեւ Գրիգորիսի և Ներսէս Շնորհալին բողոքովին կը հեռանան ի Կարմիր վանաց, որ և ոչ սակաւ ժամանակէն կը կորսնցնէ իւր նշանակութիւնը:

Սարգիս իւր կեանքն այնքան տարի վաճառական կենաց անդորրութեան վարժեցնելէն յետոյ, այնուհետեւ չէր կարող մոռնել աղակալից աշխարհի մէջ. ուստի այն ինչ ելած ի Կարմիր վանաց՝ դէպուղիղ կ'ուղեւորի ի Վանս Քարաշիթու¹, որ է, կ'ըսէ² իւր վարուց համառօտողն Կարապետ վ. «Սուրբ Ուստ ճգնաւորաց», որոց հետ միանալով ոչ եւս կը հեռանայ այդ սրբավայրէն, վասն զի կը յաւելու³ նոյն պատմիչն, թէ «Արար քնակութիւն իւր... անդ աւարտեաց զաստուածային մատեանս և ի նոյն տեղի կան սուրբ նշխարք ոսկերաց նորա»: Ուսկից միանգամայն կը տեսնուի, թէ Սարգիս հոս իւր կեանքը լոկ ճգնաւորական վաստակօք մաշած չէ, այլ նաեւ ուսումնական աշխատութեամբ, մանաւանդ թէ նոյն իսկ այս տեղւոյս մէջ կը հմտացնէ նա իւր ուսումնատենչ հանճարն անընդհատ ընթերցմամբ սուրբ Գրոց և սուրբ Հարց, մինչեւ իսկ վկայիլ տալ իւր վարուց պատմին, թէ «Սա զամենայն ժամանակս իւր՝ ետ զկեանս իւր ի խոկումն սուրբ Գրոց⁴, ինչպէս ինքն իսկ կ'ըսէ, թէ «Յարժամ յընթերցուածս Գրոց սրբոց զեպե-

րեալ նստիմ⁵»: Արդ, այսչափ ընթերցմունք ոչ միայն կը զարգացնեն Սարգիսի միտքը, այլ և շարժառիթ մը կը լինին նորա գրչին, որով ի զիր կ'արձանացնէ նա իւր մտաց մէջ ամբարածները, մեկնելով եօթն առաքելական կաթողիկէ թղթերը, զոր կը վկայէ մեզ Կարապետ վ.⁶ հետեւեալ զովասանական խօսքերով. «Զեօթն թուղթս կաթողիկեայց մեկնեալ է և բացայայտեալ՝ շնորհաց սուրբ Հոգւոյն արժանացեալ, երիցս երանեալ և քաղցրաբան քարոզն եկեղեցւոյ, քաջ հոգտոր և անյաղթ փիլիսոփայն, վեհագոյն գիտնականն, և մեծ վարդապետն Հայոց՝ տէր Սարգիս, լուսաւոր տեսութեամբ և յորդառատ մեկնութեամբ, միանգամայն յայտնաբանեալ գրեթէ զամենայն գօրութիւնս աստուածաշունչ Գրոց, հին և նոր կտակարանաց, օրինաց և մարդաբանից, առաքելոց և աւետարանչաց, ուղղադաւան վարդապետաց և ճշգրտաբան պատմողաց»:

Անտարակոյս ծանօթ է ընթերցողաց Հեղինակիս այս մեկնութիւնն, որոյ գրութեան շարժառիթն երկուք եղած են՝ բնա իւր իսկ վկայութեան, նախ, այսպիսի մեկնութեան մի պակասութիւնն թէ՛ Հայոց և թէ օտար ազգաց գրականութեան մէջ. ահաւասիկ իւր խօսքերն. «Մի՛ ոք ի յոյժ քննողացն պարտաւեցէ զերկս վաստակոց իմաց. զի եթէ զայլ ոք ունէի տարացոյց ի մերոցս կամ յօտարաց⁷ հոգ մեկնութեան տարեալ զրոցս այսոցիկ, ոչ այնչափ յանդուգն էի եթէ զայլոց աշխատութիւն յիս առեալ թշնամանէի հոծեալ բանիւք իմովք»: Երկրորդ, կ'երեւի թէ այլք իսկ բռնադատեր են զՍարգիս սոյն թղթոցս մեկնութիւնն ընելու. վասն զի տեղ

1. Կիլիկիոյ Սեբաստիայի վանքերէն մին է, հետու ի Կարմիր վանաց երեքօրեայ ճանապարհաւ (կարաւանի), զոր և կը յիշատակէ Կիրակոս պատմիչ հետեւեալ խօսքերով. «Ոմն վարդապետ Սարգիս անուն սքանչելի ի Վանքն որ կոչի ասորերէն Քարաշիթու, արար մեկնութիւնս եօթանեցունց թղթոց կաթողիկէից, նախերգանօք և յորդարակօք և ընդարձակ և առատ ճառիւք» (ի Պատմ. էջ 64):

2. Ի Յաջրն. մեկն. Ի կաթ. թղթոց էջ 6:

3. Ի Յաջրն. մեկն. Ի կաթ. թղթոց էջ 6:

4. Կարապետ վ. ի Յառաջաբ. էջ 6:

1. Ի Յաջրն. մեկն. Յովհ. Ա թղթոյն էջ 620:

2. Մեկն. համառօտ կաթ. Ի թղթոց ձեռագիր, էջ 849:

3. Այս խօսքերէս կ'երեւի, թէ Սարգիս անծանօթ եղած պիտի ըլլան Աղեքսանդրացի երեք Հարց Կղեմայ, Որոգիեայ և Իրիմոսի, ինչպէս նաեւ Իսիդորոս Երեւոյ սոյն թղթոց վերայ ըրած մեկնութիւնքն, որոց հատակաւորք ցարդ իսկ կը դառնուին ի հաւաքածոյս ազգային և օտար մատենադարանաց: